

虛舟集卷之二

五言古詩

遊小雄澗壑有成

陰島變殘雪流新吐溶、偶尋一徑微獨與採樵同  
兩崖濕花霧衆竅吟天風雲根濯苔髮亂藤相冥濛  
盤崑折磴道似各真搜窮石門忽中斷曠望開烟叢  
蘿雨澤毛髮松恬清心胸了然青洲霞照影寒潭空  
始知入境外別有仙源通振鳥揮片雲投情依遠瀉  
玄棲極要眇神遊小崆峒真仙金鷲蓋一室丹火紅  
勅授紫囊訣永期鸞鶴蹤却憶望城市白日氛埃中

尋小雄仙崑二龍潭值風雨歸草堂作



昔人洗玉髓幽洞驅龍耕舟成輟瑤未成此秋水泓  
飛崖夾兩鏡洞見雲霞生百鬼不敢啼雌雄常夜鳴  
有時滿瀨寒幾曲流璫英清秋墮蟾影白日聞雷聲  
偶茲訪靈竒掃石窺清泠洗心盟鷗鷺濯髮解冠纓  
長風動懸羅颯爽毛骨驚飛雨洒而至萬壑秋冥冥  
歸途檉桂影了了心目醒到家興未已石室披丹經  
登芳嶺峯宿湧泉得仍字

翠微白雲衣逢秋思一登聳身躡雲壁飛泉搖古藤  
洞豁海天際坐見萬景澄欵澗動群鹿宴林逢真僧  
邀我宿化城珠林懸古燈寥々片月上悄悄天籟凝  
已悲向城市蓬髮秋相仍

水亭夜懷黃八絜林六敏

孤亭水雲深入境自幽絕七絃罷鳴彈桐陰初上月  
偶酌尊中醪高卧望雲闕荷露清角巾松飈濯毛髮  
寥々天籟寒吟詠了未輟志偕南阜隱興藉東山發  
同心念離居中坐思超忽

入西山訪張隱士

兩崖噴飛瀑結屋烟蘿裏山人不冠履客至同隱几  
獨鶴海上歸孤雲澗中起淨掃白石床風來墮松子  
晚至石潭遇孤鶴懷仙

洞口拾瑤草石流正淙々尋源信輕爽一逕披鴻濛  
攀緣雜花島亂聒松桂風石床留片雲玉鏡莓苔空

少焉群壑靜落景明西峯獨鶴何處來舞影寒潭中  
因之想長馭乘化入無窮

遊清源別後寄溫陵田處士

夙性慕玄賞少年復離羣囊書不得意菽水懷親恩  
請纓卑任俠點筆徒工文腰間脫寶劍歸卧清溪雲  
擢歌有時間放浪滄海濱雲水秀孤島石壁澄霞紋  
茸之紫藤花濯濯敷泉根鶴波上歸龍吟水中聞  
興來拂瑤軫蘭情灑餘芬曲肱劃長嘯衆籟清衣巾  
夫子弄玉簫邀予醉瓊尊紅泉看洗藥碧澗思垂綸  
區緣一以說恍若起埃氛別後緬靈境中夜飛吟魂  
昨夢紫峰岑月色四紛之清光阻天末心懷猶為君

拈我手中策拂我衣上塵明當營丹砂去與虛公談

晚至囊山寺

蒼山入踈烟狀若土囊決振衣秋珊鍾投鳥化城月  
天吟動風籟霞想隨雲闕沉之慧燈影了之見毫髮  
余生值多故所性慕禪悅偶偕真僧期始若望緣絕  
冥心依覺場度世賴慈筏誰能量虛空澹尔離言說  
自牧居士與玉壺道人古囊善復二師共  
結三生之社書來與余論老釋二書遂用  
畬之

觀空泯群有崇虛悟真玄微言掃煩障妙契排冥筮  
况之慧遠跡遊在雲蘿巔空香出入境化雨來諸天

二緣等無生衆妙同自然喻心了無取濯之如青蓮  
袞城除害馬祗舍留真詮願君解明月示我浩劫前

遊清源山道院

仙人有奇觀雞犬白雲裏春至桃花開千枝映流水  
星壇藥草青夜室丹光紫天上期鶴望人間識息  
伊余倦俗流千載困泥滓又意期大還乘風一來此  
金書啓真秘石洞洗玄髓河車信可啓心期羨門子

登薛儂峯書懷寄自友知己

少年學劍術穎脫神鋒生身閒韜畧書吐論吞從橫  
旁搜百家言復得夷軼情自顧萬人豪不慙一代英  
擔登赴神州十上空無成魏之黃金臺邈我阻天

歸來守故墟索漠羅秋螢作書謝知己閉門絕浮榮  
悄之林下居一室有餘清間尋白社約或作青山行  
傲吏期解冠漁父同濯纓縱酒竹林逸尋仙松子盟  
匣中雙寶器奔置蛟龍鳴偶茲凌丹梯足下雲霞昇  
孤鴻天外出白日波上明九節萬蒲花採掇延吾齡  
飄飄羽人居蛻骨遺玄經吸景若可弄丹砂思一營  
惟君抱孤絕襟懷洞春冰相期苟有志雲鴻極冥冥  
與鳴秋趙山人夜宿山居述懷有贈

塵居厭湫隘抗節慕遠遊道逢佳橋侶假以雙翠虬  
周覽六合虛閭風不可留茲山富形勝歸來事玄謀  
紉蘭理初服飲水期前脩芳盟及歲晚世事輕雲浮

伊人負奇抱泛若乘虛舟歛跡三十年不應當世求  
高齋探玄默衆妙窮冥搜有時發逸興登臨眺高秋  
鳴奕送天籟酌酒環清流朝尋蘿谷曉暝期蓮社幽  
布衾清夜闌欵語相綢繆冲懷薄華組心跡同悠悠  
青楓落遠澗芳蘭蔽層丘下見溫白雪非君誰與儔

送陳貢士

陳生江海士跋履當豪門五侯少知己倚劍思平原  
海國一相訪別余歸故園杯啣霜夜月袂拂秋山雲  
四望大野空蕭々鳴鴈羣意氣但自許離懷何足論

送黃紀事濟

寶劍雙轆轤鏗吐青芙蓉臨岐一脫贈恍若騰蛟龍  
君行感我懷起視雲海空百年閱幻境萬里吹飛蓬  
登天覽餘暉孰挽濛泥東詩書古有立貧賤道何窮  
常希日月私獨負雨露功長卿卧茂陵不為世所容  
季子黑貂弊當年愁秋風丹塗困布衣渭水悲釣翁  
山松落澗草海鶴羞樊籠大運自古來倏仰那能終  
感茲不成歡別去何匆匆城南登高丘眺遠情所鍾  
一水瀉寒練斷雲引歸鴻中座擊筑心醉吟氣頗雄  
興落遠天碧思染秋山紅睽離自茲始夢繞青林楓

存畊堂

原田積荼莖甫田莠驕々何如方寸間濯々敷靈苗  
內顧無町畦孰能辨肥磽蠹賊莫我害早暝莫我焦

但願保良稼毋令崇艾蕭

悅心齋

稟化凝正氣虛靈澹無為鑿、方寸間熒、啓天機  
匪伊芻豢耳不假文繡資一理苟不昧萬善咸足怡  
雍、樂道園蕩、崇德基往哲有遺訓服膺諒無違  
守默

礪石鼓天譔教客司南箕昭茲捲舌戒可喻緘口辭  
無言希聖謨守中當我師誰知淵默中成實良在斯  
其二

哲人守樞機所慎在旣門心存不脂戶內顧乃靜專  
金人垂往訓白圭有遺編三復諒不忘今名當與全

其三

便之夸毗子辨口相矜欺寧知起羞訓悖出來亦違  
一朝捫舌悔駟馬曠莫追我思磨堯堅千載猶須斯  
其四

蹠妄伐天性幽玄養明神如何嗇夫雄喋、忘苦辛  
辯鉅恒若訥辭多非吉人君看桃李花毋為旣所隣  
素齋

大樸斲已久斯人抱冲襟寥、一室間坐契千古心  
片月瀉寒練踈雲澹流陰俗塵匪我緇名跡寧見侵  
靜念真素流端居積幽沉何當啓玄秘一奏瑤華音  
聚齋

黃中貴通理至文斯黷然如何表襟士藻筭徒外鮮  
斯人昔自治齋居日乾之聚衣服明訓曰貴守聖言  
豈無黼黻章所惡非至玄山輝玉蘊石一媚珠藏淵  
炳外會有時弼中道彌宣

慎獨

涓流一髮細厥患誠滔天煌之燎原火起自冥燭間  
人生理欲幾相去良亦然滋明寔隱微照灼之與淵  
所以往哲謨慎獨垂至言存誠保天君兢懼無過譽  
撲燄在始熱塞患當其源美哉屋漏詩三復宜奉之

拙齋

渾沌七日死衆巧雕斲之孰知希夷初民生乃無為

所以漢陰叟機事戒莫施抱甕豈不勞我心恒自怡

習靜山房

潛虛念無事幽齋閉空林超然燕坐間孰識靜者心  
悠々塵慮忘悄悄々天籟沉良斯守玄默何必丘中琴

其二

萬物互膠轄探々無停踪我心念何為澹然惟抱冲  
鑑明止水靜雲欽青山空始知造化樞乃在淵默中

其三

齋心遁喧俗一室絕垢氛寥々天宇空鏡覽萬化源  
芳林謝春花空山變浮雲理勝亦有時於茲可忘言

其四

莊生守宇泰老氏念無為惟應屏物累可與悟玄機  
狂流射波瀾世路多險巇此心方寂如安能為變移

養素為黃山道士賦

太始遠無象浮生多磷緇紛々白黑間誰能辨雄雌  
至理一朝變文章樸然施雕斲樸已喪青黃木為蓄  
念子葆冲素靚春得所宜一氣每獨完三素流華滋  
黃農有真趣坐見淳風熙

味菜居為俞延平賦

菜根有真味澹泊良自然長筵列冰壺愧彼腥與膾  
况君理劇郡日晏飽一饘已瘠民以肥何必具萬錢  
鄙哉肉食譏不顧口爽言惟應勵斯節可以酌貪泉

永思堂

茫茫宇宙內蕩々成古今淒々霜露繁惻々遊子心  
終天何漫漫長夜竟沉沉々庭闈不復趨宰木風滿林  
林中有啼鳥嗚々吐哀音感茲物性微我懷良不禁  
入室若有見蕉蒿或來臨區々抱遺體戚々幽怨深  
嗟予念拂髦多難蚤見侵為君賦永思潛然淚盈襟  
夢萱堂為孫進士子良題

堂前種嘉草端以忘親憂我憂何能忘愛日遲此留  
如何一朝變庭樹驚高秋悲風委殘綠薄暮寒颼颼  
緬懷堂上人欲展情無由慘々隔下泉冥々閉荒丘  
惟應中夜魂庶以慰永愁



其二

中夜有遐思寤寐忽見之覺來起傍徨四顧令心悲  
是時返哺鳥方遠庭樹枝微禽果何知亦各懷其私  
念我罔極恩欲報情何施鑑惟月娟娟動慢風淒淒  
鸞哀不成章墮涕雙漣而

其三

白楊風蕭々日夕來古道不見堂下萱空吹墓間草  
緬懷疇昔時如何聞音儀入室若靡至出門當訴誰  
上山々有巔涉水々有涯傷哉陟岵心永作終天悲

其四

日沒晨復旦海落潮再生如何長逝魂終天竟冥々

長風振林柯颯爽人不傳心將寸草折淚逐衣線零  
倚門不可見登輿竟誰榮回應椿與梓頌仰當中庭  
愛日堂為陳編脩全賦

羲和整六轡晝夜無停機青陽方屆候朱火倏已馳  
壯士感芳歲佳人情流暉懷哉孝子心視景起徘徊  
奉觴庭闈趨喜懼恒共之去日不可留來日方在茲  
中堂絃筦清疏房帷幄垂誰揮魯陽戈為我駐四時  
節婦吟為上虞黃氏作

祁々寒日暝嫻々秋風涼淒々卷素幔切々悲空床  
昔為雙飛鴻今作獨宿凰妾身豈復惜子幼姑在堂  
捐生諒非難老稚誰扶將日月良有食海水良有極

妾身千萬年當化山頭石

虛舟

剡桂破棖玉剡蘭移楚芳濟深良可憑橫淺徒自傷

大荒

山中寄郡城諸生

還山見孤雲悠然與心契素獨橫石床冷寫秋意  
却憶社中人寥々在城市

歷峯蘭若宿偉上人禪房

烟林晚蒼々白石開禪扉間中叩幽寂恍似東林詩  
大千息羣動水月破陰霏出世逢真僧允矣旃檀枝  
空香出深竹梵唄諸天隨真源寂無取化有潛一機

嗟我食色身未能釋羣疑嘗々妙高聚洞豁杳莫窺  
因心了衆幻稽首成伽佉

秋夜齋居懷唐恭

高梧月不出暝色踈烟裏誰々鳴鴈來聲在秋塘水  
孤燈捲簾坐寒影對窓几青々以微霜瑟瑟動輕葦  
援琴不成音感別在千里誰々及風翰淮波盼游鯉

寶山蘭若

山門隱松桂花雨浮半空金仙青蓮居乃在烟霞中  
石竹覆紫苔四壁泉濛々因窺一燈影安坐萬劫同  
衆籟清梵音浮塵愧微踪願言別若海永矣提禪宮

登仰山一覽亭

久懷名山遊偶宿翠微寺化城依寶坊累劫即初地  
心空萬籟寂夜久衆壑閉寥々水月觀了々獨忘寐  
凌晨覽孤峯更在白雲際躋攀興未已恍惚身若寄  
危欄憐而倚曠望海天細松際見鳥巢簪裾落烟翠  
惟時物候蕭千里軼纖翳神行極空濶豁尔心目霽  
翩々駕鶴影冉冉芝蘭氣浮蹤浩天遊蟬蛻隔人世  
顧余眷名籃似與夙緣契因偕緇錫侶尚覺章甫累  
便當脫塵纓投情緬靈異

牛路春耕

晨光照墟里屋下春泉鳴驅牛出東阡且作農事  
不惜筋力劬但願黍黍成遐哉鹿門意千古斯能并

龜湖晚釣

投竿細平湖興與雲水俱直鉤豈先取所志不在魚  
荷蓑者誰子得匪商賢徒偶來坐磐石共話希夷初

兔峯孤月

靈鵲墮寒羽清輝澹溶々誰將一片秋絳何溪南峯  
蔓壁絡金鏡陰窓鳴夜桐幽懷迥未已杳靄東林鐘

鷓峯間雲

前溪孤嶺秀旦夕浮雲陰暝結鳥巢白靚連蘿華深  
蕭々丘中賞游心在鳴琴悠然太古調相期爲鶴岑

龍寺寒泉

靈源沁寒泉乃在翠微頂中有脩鱗蟠白日烟雨暝

山僧習止觀水客照孤影予亦洗心人坐來白雲冷  
塹石端樵

旦出事斤斧薄暮歸青林澗迷猿鹿引路滑莓苔侵  
白雲覆我頂山風吹我襟嘯歌靜爽煥邈矣烟霞心

漳溪晚渡

微鍾逗前林々端晚烟發扁舟去俄頃雲水坐超忽  
中流離思靄天際孤帆沒日夕緬同心相看成楚越  
草堂成題以見志

幽棲構行宇窈窕雲蘿中潛光葆真素遂此達  
青山列前楹金鷗但鳴松聽之比等瑟玩之若芙蓉  
簪玉豈不華列戟非九庸重闕邈天路短翮慙排風

蘇歛頽以淥邑謝駢氏封散帙期道侶假寐登方蓬  
茲焉遂偃仰沈湮應無窮

其二

五陵遊俠場中林隱淪託寄情傲世詮矯志在玄漠  
况茲棲息地風景擅丘壑瑩神汰餘滓引氣專虛躄  
匠樗笑支離莊舛憇濩落有時睇崇丘緬想契衛霍  
雲霞冠層巔松桂被叢薄金膏遠輝煌水碧亦連礫  
采掇欲有貽玄情在寥廓

其三

自惜藜藿腸不懷肉食憂鳳凰覽德輝黃鵠千里遊  
出處各有宜何必相嘲尤羊質冒虎皮祗足承之羞

以庶架岩壑遠托茲山幽追攀絕人競靜然保自脩  
朝擷石上英夕漱澗底流五難一脫畧養生復何求

其四

金張七葉貴出入珥漢貂亦有張仲蔚中園隱蓬蒿  
窮達自有分貴賤匪一轆誰知衡茅中於焉可逍遙  
間從閔叔飯幸有顏氏瓢夜來白露團商聲振杯湖  
泠然白雲章遠和綠水謠緘辭寄三鳥目極天寥

其五

寒谷待鄰律虞韶未無儀堪坯育萬化感名理亦微  
谷風應兔嘯空雲擁鱗飛茲生豈不念潛躍會有  
况余輪駟織而乏塵世姿雖不事巢蟲敢與周徑規

走送終可生散朗忘是非陸沉古有然安用人所稀

瓜田寄南山處士

種瓜一畝間榛蔓苦翳之雨深苗未抽惻然令我悲  
清晨行荷鋤芟刈亦忘疲仰觀天宇寬俯視羣物滋  
却憶南山老終年澹無為

練溪

波小水溶溶湍急秋濺濺颺風數微綃漱月皎平練  
鮫人寧敢專謝客或來玩

菊逸為三衢金山人賦

百草委霜露黃花濯其英端居忽見之遂此遺世情  
臨風擷朝餐採掇巾袖盈願頌良所願况云製頽齡

其二

閒居何所營種菊繞籬下種之亦何為愛此傲霜者  
秋香襲衣裾寒色墮杯斝  
豈無洛陽華所貴輪鞅寡

其三

結廬避喧俗青嶂託四隣乃知寰宇  
中而有羲皇民  
間邀白衣酒坐對黃花晨所樂憂  
除向然任天真

其四

郊原掩窮秋孤思久寥寂賴此霜下  
英庶以見顏色  
開尊命濁醪取酒聊自適坐望飛鳥  
還不見南山夕

點蒼山為戴少府賦

雲中山萬點積蒼翠壯為九  
尊獨立五嶽外

孤峯溢層雲衆壑走空籟  
仰瞻參旗光坐見斗城大  
乾坤寄端倪日月論頭悔  
浪流入微茫  
熒鳥飛霞霽  
秋高崖勢豁春至林影碎  
天聲迴滄溟曉色浮渤澥  
登攀客趣恬眺覽宦情醉  
拳帷與駐笏為我謝先輩  
畫馬篇為童將軍賦

聖皇覽乾馭天駟流星芒  
太乙既靈異倏見渥水傍  
神精何權竒意氣尤軒昂  
兩顧夾明月四蹄亂秋霜  
早為汗血駒三載清大荒  
長驅奪上征逸態凌雲翔  
驍騰日萬里脫畧誰能當  
歸來驟六龍殊恩擅中黃  
賜浴天池津剪拂鬚鬣張  
顧影驕玉姿含嘶泛清商  
丹青寫餘照對之亦騰驤  
駕駘世豈乏伏櫪空成行

題醫師卷

相業久寂寞濟世誰稱賢賴有肘後書可拯斯民顛  
親逢長桑君飲以上池泉置之垣一方洞見五臟偏  
羣生欲為闢天札指沿旋七粒或見遺沉痾頤而蠲  
至哉神聖功可以侔化玄中和遠莫躋獨與岐黃專  
奈何娟疾者尚患良工先騰理忽不治膏肓竟胡痊  
因君感吾衷示此元命篇

晚宿雙峯驛樓與故人陳哲言別

山暝烟已歛林涼月初生扁舟泊江汜候吏欣相迎  
登樓引孤興開筵坐空明杯分劍溪綠簾捲雙峰青  
几席湛碧流蘭氣浮冠纓冷々露叢鵲中夜四五驚

偶因念物性終焉感吾情十年懷一枚三匝樓未寧  
茲晨胡為哉又逐孤雲征良宵一邂逅明叢增屏營  
蕭々衆籟寒萬壑同時鳴緘辭別知己解纜搖行旌  
讀書樓為四明王子沂賦

曠野豁烟翠層梯標石叢奎輝貫窓牖颯々來天風  
良宵清諷音飄落如半空雅調既云遠古心誰與同  
豈無華構崇飛軒切層穹春風羅綺醉落日烟花紅  
詎知靜心者兀坐窺鴻濛游心太古巢窠寐雲霞中  
榮艷適自媚清芬在無窮

題畦樂處士成趣園

凌晨啓柴扉有客過我廬雕鞍照玉勒輕紈曳羅襦

入門坐高堂，騁從間且都。自言匪他人，少小六郡徒。  
二十登漢朝，三十執金吾。五侯吐然諾，七貴相追趨。  
嗟我久淪落，勸我無迂疏。富貴不早致，白首徒禁如。  
而我聞其言，嗟謝陳區區。緬彼堂構安，安用散與樗。  
以茲避軒裳，悟靜解天誅。况云樂立國，取適自有餘。  
朝奉邵侯瓜，夕灌鮑氏蔬。崇辱不我干，憂患豈我虞。  
閒心託浮雲，不知卷與舒。客揖上馬去，還歸倒一壺。

其二

遠生貴忘我，守靜體自然。外物苟不榮，取樂無過愆。  
鼎食豈不其，軒裳詎非賢。大功難久居，盛名難久全。  
淮陰登將壇，條侯守重邊。寵辱一朝異，殞替誰能憐。

寧茲遠世氛，寄身在中國。園澁漁父纓，時誦老氏篇。  
適惟乃化初，冥心超至玄。知止幸不殆，胡必誇輕儇。  
嗤彼當世人，碌碌隨貨遷。端居有真趣，此意誰能傳。

其三

勞生厭喧市，養病閉幽樊。角巾念何從，孤興寄南園。  
南園曠且深，春至卉木繁。嘈嘈鳥雀鳴，聒聒泉流喧。  
呼兒牽蔓籬，殷勤雜荒殘。時雨倏已至，佳蔬茁而蕃。  
臨風襲芳馨，繞籬擷蘭蓀。倦來聊自息，支頤對前山。  
載歌綠水詞，和以白石言。東隣有傲吏，邀我相與旋。  
取意一自慰，此外寧復論。

其四



稍煙吹林墟微雨被空谷雜來翳曾波秀色宛如沐  
籬落相逶迤鳥雀繞我屋行々出幽徑散暎寧見束  
濯纓臨清流解帶絰脩竹殘花明亂畦曲沼蔭喬木  
神行趣已恬理愜心自足閒情適虛曠空籟時斷續  
茲焉謝紛擾亦以靜歆燠山風吹衣巾落日候樵牧  
顧同張翰心寧事季主卜

題友松軒

文友道日喪伐木空遺音因人樹捺杞感物論素心  
豈無桃李花朝芳夕仍改何如松樹枝青々色長在  
傾蓋白日晚忘形霜霰深庶其歲寒意永矣詩南金

題黃鸝圖

伐木輟遺響素居抱幽清緬此幽谷姿如聞求友聲  
我欲往和之永綠春山青

辨誣代常山吳權作

相逢白晝間豈盡攫金者亦有披裘士採薪當盛夏  
東陵高西以孰辨真與假長睇天地間茲懷向誰寫  
不疑懷且躬取惑在同舍白璧棲青蠅可損連城價  
大人垂貞觀庶雪覆盆下

古意二首寄鄒參政濟

火旻儵西流庭柯落踈影端居掩空闌懷人思方引  
月華漏踈隙風籟籥玄牝殘編散金帙鳴琴罷瑤軫  
相望更何許迨々寄江嶺折芳欲有贈奈此霜露緊

憂來當何理一夕變玄鬢

其二

亭：江上樓綺窓洞然開上有愁思婦感嘆當為誰  
良人別經年遊宦苦不歸憂來不自媚下堂尋履綦  
感彼三春花將同秋葉飛中懷如鞆轡日夜不停移  
高堂張素絲彈作別鶴悲餘音入雲漢何由使君知

晚至洞神宮

晚直下仙闕乘閒清道機福地集萬靈迢迢麗神圻  
入門喧自息微風吹我衣烟林閉虛境密竹垂陰扉  
于時東嶺霽素月流清輝妙賞愜初願間心不知歸  
夜桐有商意掃石橫金徽

東城領遐曠北山開禪宮  
衣冠有時暇幽期白雲中  
上人啓竺墳說法超羣蒙  
是時寶花墜十里香漾漾  
別來問玄度幾日還相從

楊進士新卜幽居

大隱在朝市蕭然小蓬丘  
良朋偶而集雜花映觥籌  
片雲池上來傍我几席浮  
與諸公同遊神樂觀

涼雨度高閣蕭條秋氣深  
洞門薄微寒逸興生前林

道人琳館靜開窓，脩竹陰詎因避書簡。偶此諧纓簪，  
掃石鳴素絃。遂忘名跡侵前山，倏已見秀色浮重襟。  
翳之青桑枝，颯之來速音。咲言欲遺返，落景明西岑。

畫菖蒲

晞髮慕遠遊，端居閱玄文。願言金光草，緬此九節根。  
芳叢何歲蕤，冉冉幽澗濱。溪雨濯秀色，林風動清芬。  
嘗聞嵩山客，乃是九疑君。採佩却有邪，服餌諧仙真。  
蓬壺翠水區，玄圃鸞鶴羣。吾將整吾駕，去與煙霞覩。

寄壺山道士

清溪幽且深，猿鶴邈雲嶠。中有冥棲士，隱几若埋照。  
我昔從之遊，遠落蘇門嘯。顧余指石髓，示以斯道妙。

其言直而純，梗槩領其要。別來在風塵，摧頽中若燬。  
未遂鴻鵠舉，將照碧山調。因之寫雲緘，日夕引遐眺。

題林處士壁

荒居厭藜藿，秀寂如張仲。園間來枕肱，卧廓尔排真筮。  
仰觀浮雲生，舒卷任自然。綬無蕭氏結，冠乏貢公彈。  
暝色起脩竹，寒光流遠川。因心玄冥子，共樂壺中天。

別意寄友人

北風吹浮雲，飛度秦淮水。西江與之馳，迢迢去千里。  
端居懷離憂，對此曷能已。在昔巧笑宛，若雙飛翰。  
別來不須臾，邈在天南端。為君啓瑤琴，臨風時一彈。  
中有白雪操，哀響聲未闌。日月有弦望，寒暑亦循環。

棄置苟不移相期金石堅

環

寄題吳大僕鑑滁州皆山軒

滁富山水秀特東南叢蒼瑯琊峯削出金芙蓉  
芙蓉夾天帳萬壑縈相向岩烟吹亂霏滅沒不可望  
昔人五馬來咲舉青霞杯雙旌舊遊處石徑滋莓苔  
至今餘松聲瀟洒在林薄絕巘瀉飛泉孤亭倚寥廓  
懿哉延陵君此地懷清芬開窓引列岫坐詠醉翁文  
醉翁久不作羨子有仙骨良時但開尊公暇惟駐坊  
雲生島樹沒雲散翠微連璧月動海色亘若壺中大  
嗟予戀塵鞅青山勞盍夕想為君發孤吟風泉寄遺響

秋夜同諸公神樂觀玩月

秋臨萬象空良夜寂如水了然東山月照影清尊裏  
塵蹤厭汨沒緬此方悠然况之仙壇高俯瞰區中緣  
坐授紫霞笙嘯引琪林鶴參差斗未橫零落露已溥  
朋簪諧夙驩佳期感二難中思拂衣去永卧烟霞間  
初秋夜坐寄王紋

輕颺生早涼孤館清興發桐陰落前墀遙空瞰華月  
方此抱冲素沈值清境豁濁酒聊自持瑤琴弄應闕  
知音念乖阻咫尺不可越相思良未已坐見曙河沒

送張謙

東風變碧草積雪開紫垣都門集同袍酌酒送行軒  
劔歌一何長激烈驚心覓丈夫顧義分豈為兒女言

名駒出幽隱松棘鳴祥鷄千年值嘉運萬里期騰騫

其二

崑山固多玉抵鵠良可悲羣龍方盈庭子行獨河之  
空懷徑寸珠粲々五色輝相投不相攜魚目甘同歸  
至寶豈真秘良材終見希誰能辨瑜瑾遠尔黃金閨

其三

醉呼秦淮酒臨岐歌慨慷吳姬小垂手一曲春風長  
痛舟不停撓去路但茫茫青山入楚甸白雲思越鄉  
豈無壯士懷擊節心飛揚憑將繞朝策一贈囊中裝

其四

海鶴青雲豈解司晨鳴時來暫歛翮終當遊太清

奔鶉復何知開口笑其饑來不飲啄再啖長風生  
請看昂藏軀寧與雞鶩爭維應瑤臺鳳可與非英友

其五

故人發白馬翩々臨路岐腰間脫玉劍贈子表相思  
霜鈇爾勿彈狂歌欲為誰英風涵毛骨四座驚別離  
別離豈足惜意氣方在斯何當凌九萬並駕青雲歸

投胡學士

撫劍坐中夜長吟思一彈々之有餘音激烈摧心肝  
出處分以然中道敢不安但恐春華衰白日凋朱顏  
伊余羽翼微宜栖松棘間清樾苟自適孰能事鵬搏  
那因遇知己刷羽排鷁鷺雲霄一朝翔九萬期風湍

昔似丹穴雛志薄金琅玕今如涸轍鮒鬢鬣空摧殘  
有沫不自濡焉能禦所患淮山饒桂枝楚澤有芳蘭  
欲去戀

明主引領徒悲歎故人把天瓢豈憚一滴報願因終  
號呼度以脫險艱毋令東溟使仰候西江瀾

送僧歸越中

錫挑龍河雲衣帶越溪雨說法方西來隨緣復東去  
松枝偃故房栢子落庭樹從此上方遙人間但疑佇

虛舟集卷之二